



Na osnovu člana 9. Zakona o kantonalnim ministarstvima i drugim tijelima kantonalne uprave Srednjobosanskog kantona („Službene novine Srednjobosanskog kantona“, broj: 8/03 i 14/03) i Odluke Vlade Srednjobosanskog kantona o usvajanju Programa korištenja doniranih sredstava sa kriterijima raspodjele sredstava neplaniranih u Budžetu Srednjobosanskog kantona broj: 01-11.7-2366/21 od 01.04.2021.godine, Ministarstvo privrede raspisuje

JAVNI POZIV

ZA DODJELU FINANSIJSKIH SREDSTAVA PRAVNIM I FIZIČKIM LICIMA KOJA SAMOSTALNO OBAVLJAJU REGISTROVANU POSLOVNU DJELATNOST KOJIMA JE ZAKLJUČKOM VLADE SREDNJOBOSANSKOG KANTONA OGRANIČENO OBAVLJANJE DJELATNOSTI

I PREDMET

Pozivaju se pravna i fizička lica koja samostalno obavljaju registrovanu poslovnu djelatnost a kojima je Zaključkom Vlade Srednjobosanskog kantona broj: 01-04.1-2281/2021-1 od 30.03.2021. godine ograničeno obavljanje djelatnosti da se prijave na ovaj javni poziv kako bi se istim dodijelila sredstva za sufinansiranje dijela minimalne neto plaće isplaćene na teritoriji Federacije BiH, kao i dijela minimalnih doprinosa shodno isplaćenoj neto plaći za vrijeme trajanja Zaključka Vlade SBK.

II PRAVO NA PODNOŠENJE PRIJAVE (ZAHTJEVA) I KRITERIJI ZA OSTVARIVANJE PRAVA

Pravo na podnošenje zahtjeva na osnovu objavljenog javnog poziva imaju poslovni subjekti (pravna i fizička lica koja samostalno obavljaju registrovanu poslovnu djelatnost) koja imaju sjedište na području Srednjobosanskog kantona, ako ispunjavaju sljedeće uslove:

- a) Da im je ograničeno obavljanje djelatnosti Zaključkom Vlade Srednjobosanskog kantona broj: 01-04.1-2281/2021-1 od 30.03.2021. godine i to: djelatnosti restorana i ostalih objekata za pripremu i usluživanje hrane (KD 56.10) , te djelatnosti pripreme i usluživanja pića (KD 56.30),
- b) Da su ispunili obaveze po osnovu doprinosa zaključno sa 28.02.2021. godine ili da imaju potpisan Sporazum o izmirenju obaveza;
- c) Da imaju kod Porezne uprave Federacije Bosne i Hercegovine prijavljene zaposlene za mjesec u kojem traže sufinansiranje dijela minimalne neto plate za zaposlene;

Na ovaj javni poziv nemaju pravo podnošenja prijave (zahtjeva):

- 1) Javna preduzeća, banke i druge finansijske organizacije, osiguravajuća društva, javne institucije, organi uprave, organi i jedinice lokalne samouprave;
- 2) Privredna društva čiji su žiro računi blokirani prije proglašenja stanja nesreće;
- 3) Privredna društva koja su pod stečajom i likvidacijom.

III POTREBNA DOKUMENTACIJA:

Pravna i fizička lica koja samostalno obavljaju registrovanu poslovnu djelatnost a kojima je Zaključkom Vlade Srednjobosanskog kantona broj: 01-04.1-2281/2021-1 od 30.03.2021. godine ograničeno obavljanje djelatnosti podnose Zahtjev za dodjelu finansijskih sredstava za sufinansiranje dijela minimalne neto plaće isplaćene na teritoriji Federacije BiH, kao i dijela minimalnih doprinosa shodno

isplaćenju neto plaći za vrijeme trajanja Zaključka Vlade SBK na obrascu koji se može preuzeti **OVDJE**, kao i na web stranici Ministarstva privrede Srednjobosanskog kantona u dijelu pod nazivom Obrasci.

Uz popunjen obrazac Zahtjeva potrebno je dostaviti sljedeću dokumentaciju:

- (a) Sudsko rješenje o registraciji (za pravne osobe) ili Rješenje o registraciji od nadležnog gradskog/općinskog organa ;
- (b) Uvjerenje o poreznoj registraciji – ID broj;
- (c) Obavijest o razvrstavanju subjekata prema djelatnosti (FBiH Zavod za statistiku)
- (d) Uvjerenje od Porezne uprave FBiH o izmirenju poreza i doprinosa (PIO/MIO i zdravstveno) sa brojem ili popisom osiguranih osoba za obveznike.

Priloženi dokumenti moraju biti ovjereni od strane nadležnih organa.

IV NAČIN DOSTAVLJANJA PRIJAVE (ZAHTJEVA) SA TRAŽENOM DOKUMENTACIJOM I ROK ZA PRIJAVU

Ovjeren i potpisan zahtjev dostavlja se Ministarstvu privrede SBK lično, uz obavezno poštivanje svih higijensko-epidemioloških mjera izdatih od nadležnih organa, ili preporučenom poštom na adresu Ministarstva privrede (Prnjavor 16 a, 72270 Travnik).

Na zatvorenoj koverti obavezno je navesti: Prijava na Javni poziv za dodjelu finansijskih sredstava pravnim i fizičkim licima koja samostalno obavljaju registrovanu poslovnu djelatnost kojima je Zaključkom Vlade SBK ograničeno obavljanje djelatnosti — Ne otvaraj. Na poleđini zatvorene koverte obavezno je navesti: naziv podnosioca prijave, adresu i kontakt telefon podnosioca prijave.

Broj prihvaćenih zahtjeva, te visina sredstava koja će se dodijeliti korisnicima, zavisit će od ispunjavanja kriterija za ostvarivanje prava na podnošenje zahtjeva iz člana 4. ove odluke, broja podnesenih zahtjeva i visine raspoloživih sredstava po ovom programu.

Ministarstvo privrede ne snosi nikakve troškove prema podnosiocima zahtjeva, te zadržava pravo da zahtjev prihvati u cijelosti, djelimično ili ga u potpunosti odbije u bilo koje vrijeme prije zaključivanja ugovora, a prispjela dokumentacija se neće vraćati.

Poziv ostaje otvoren 7 (sedam) dana od dana objave ovog Javnog poziva na službenoj web stranici Vlade Srednjobosanskog kantona.

V KOMISIJA ZA RAZMATRANJE ZAHTJEVA

- 1) Ministar privrede imenuje Komisiju koja razmatra primljene zahtjeva i sačinjava prijedlog odluke o dodjeli sredstava (u daljem tekstu: Komisija).
- 2) Komisija je dužna dati zadatak obaviti u roku ne dužem od 7 dana od dana zatvaranja javnog poziva.
- 3) Komisija podnosi izvještaj o svome radu Ministru privrede s prijedlogom odluke o dodjeli sredstava.
- 4) Prijedlog Komisije Ministar privrede upućuje Vladi Srednjobosanskog kantona koja donosi odluku o dodjeli sredstava.
- 5) Sa korisnicima sredstava Ministarstvo privrede zaključuje ugovor o implementaciji odobrenih sredstava.
- 6) Nadzor i provjeru namjenskog korištenja sredstava od strane korisnika sredstava vršit će Komisija za nadzor koju imenuje Ministar privrede.
- 7) Ukoliko se utvrdi da je korisnik sredstava nenamjenski utrošio sredstva, korisnik sredstava dužan je izvršiti povrat cjelokupnog iznosa doznačenih sredstava na račun Vlade Srednjobosanskog

kantona u roku od 30 dana kada je Ministarstvo privrede pisanim putem to od njega zatražilo. U suprotnom pokrenut će se postupak pred nadležnim organima protiv korisnika sredstava koji nije opravdao doznačena sredstva.

- 8) Ukoliko korisnik sredstava nije utrošio cjelokupan iznos doznačenih sredstava za realizaciju odobrenog projekta, dužan je izvršiti povrat neutrošenih sredstava uplatom istih na račun Vlade Srednjobosanskog kantona u roku od 30 dana od dana završetka projekta uz obrazloženje
- 9) Korisnici sredstava obavezni su dodijeljena sredstva koristiti namjenski i dužni su dostaviti Izvještaj o utrošku budžetskih sredstava po propisanom obrascu "Izvještaj po Javnom pozivu o utošku sredstava" sa priložima, najkasnije u roku do 15 dana od dana okončanja programa, odnosno od dana isteka roka predviđenog za realizaciju programa.

OSTALE ODREDBE

Sve dodatne informacije vezane za ovaj javni poziv mogu se dobiti svakim radnim danom putem telefona broj: 030/ 511 -217 od 08,00 do 15,00 sati ili putem e-mail: minpriv@sbk-ksb.gov.ba

Broj: 05-03-15-2559/21

Travnik, 08.04.2021. godine

MINISTAR

Nisvet Hrnjić

Dostavljeno:

- web stranica Vlade SBK
- sve općine u SBK
- Info pult